

訓

小

纂

爾

聖
遺

雅

小

訓

爾

纂

雅

道

潮陽鄭氏
用宋氏浮
溪精舍本
校刊

欽定四庫全書提要

小爾雅一卷案漢書藝文志有小爾雅一篇無撰
人名氏隋書經籍志唐書藝文志竝載李軌註小
爾雅一卷其書久佚今所傳本則孔叢子第十一
篇鈔出別行者也分廣詁廣言廣訓廣義廣名廣
服廣器廣物廣鳥廣獸十章而益以度量衡爲十
三章頗可以資考據然亦時有舛迕如廣量云豆
四謂之區區四謂之釜本諸春秋傳四升爲豆各
自其四以登於釜之文下云釜二有半謂之藪與
儀禮十六斗曰藪合其下又云藪二有半謂之缶

缶二謂之鍾則實八斛乃春秋傳所謂陳氏新量
非其舊量六斛四斗之鍾是豆金區用舊量鍾則用
新量也廣衡曰兩有半曰捷倍捷曰舉倍舉曰錡
公羊傳疏引賈逵稱俗儒以錡重六兩者蓋卽指
此使漢代小學遺書果有此語逵必不以俗儒目
之矣他如謂鵠中者謂之正則併正鵠之名不辨
謂四尺謂之仞則考工記澮深二仞與洫深八尺
無異矣漢儒說經皆不援及迨杜預註左傳始稍
見徵引明是書漢末晚出至晉始行非漢志所稱
之舊本晁公武讀書志以爲孔子古文殆循名而

失之相傳已久姑存其目若其文則已見孔叢子
不複錄焉

卷一

小爾雅訓纂卷第一

長洲宋翔鳳記

廣詁一

淵懿邃蹟淡也

毛詩其心塞淵傳淵淡也又女執懿筐傳懿筐淡筐也禮記玉藻天子玉藻十有二旒前後邃延陸德明音義云邃淡也按白虎通紼冕云冕所以前後邃延者何示進賢遏不能也垂旒者示不視邪此皆謂延之前後出於武者皆淡邃耳劉昭後漢輿服志注解邃爲垂非雅訓也鄭康成玉藻注云天子以五采纁爲旒一十有二前後邃延言皆出冕前後而垂也天子齊肩延冕上覆也元冕朱裏周禮弁師掌王之五冕皆元冕朱裏纁紐五采纁十有二就皆五采玉十有二注云延冕之覆在上是以名焉五采絲謂之繩垂於延之前後各十二所謂邃延也後漢輿服志孝明皇帝永平二年初詔有司采周官禮記尚書皐陶篇乘輿服從歐陽氏說公卿以下從大小夏侯氏說冕前圓後方前垂四寸後垂三寸三公諸侯及卿大

夫皆有前無後是鄭用歐陽說也按大戴禮子張問入官篇古者冕而前旒所以蔽明也知垂旒在前若有後旒其義無取淮南主術冕而前旒高誘注前旒前後垂珠非也又按郊特牲戴冕皦十有二旒則天數也鄭注天數不過十二如一冕前後具二十四旒亦違則天之義當以夏侯說為正荀子正名云嘖然而不類楊倞注嘖與蹟同蹟淡也說文解字無蹟字易繫辭言天下之蹟音義蹟京作嘖漢祝睦碑揆嘖窮神督郵斑碑嘖意五業

封巨莫莽艾祁大也

舊注封豕莫府祁寒皆言大也艾亦為久

方言巨大也齊宋之間曰巨史記楚元王世家與賓客過巨嫂食集解徐廣曰漢書云巨嫂也索隱應劭曰巨姓也孟康云巨空也兄亡空有嫂也今此作巨巨大也按作巨近是淮南修務云莫囂大心高注莫大也囂眾也主大眾之官史記廉頗藺相如傳市租皆輸入莫府如淳曰將軍征行無常處所在為治故言莫府莫大也索隱云如淳解莫為大非也崔浩云古者出征為將帥軍還則罷理無常處以幕帟為府

署故曰莫府則莫當作幕字之誤按莫通爲幕昭公
三年左傳以幄幕九張行杜注幄幕軍旅之帳正義
幕大而幄小幄在幕下張之楚辭招魂離榭修幕王
逸注幕大帳也知幕亦取大義畱借作莫無庸改字
也爾雅釋魚鱗王蛇郭注鱗蛇最大者故曰王蛇按
說文無鱗字正當作莽故漢書王莽字巨君也毛詩
福祿艾之傳云艾養也爾雅釋詁艾具長養二義長
養則可大皐陶謨俊父在官馬鄭注云千人曰俊百
人曰父漢書谷永傳引作俊父在官艾父字通俊艾
並可訓大也定公十四年左傳曷歸我艾猷杜注艾
老也老大義通毛詩夜未艾傳艾久也故宋咸以爲
艾亦爲久毛詩其祁孔有傳祁大也箋云祁當作慶
慶廩牝也禮記緇衣篇君雅曰夏日暑雨小民惟曰
怨資冬祁寒小民亦惟曰怨注云資當爲至齊魯之
語聲之誤也祁之言是也齊西偏之語也夏日暑雨
小民怨天至冬是寒小民亦怨天言民恆多怨爲其
君難東晉尙書君牙傳訓祁爲大鄭不用小爾
雅故兩注皆異舊讀以蒙論之宜以大義爲長

頒賦鋪敷布也

周禮大宰匪頒之式注鄭司農云匪分也頒讀為班
 布之班謂班賜也元謂王所分賜羣臣也按說文頒
 大頭也从頁分聲一曰鬢也詩曰有頒其首班分瑞
 玉从珏从刀是班布之班當从珏刀頒為段借字又
 按說文支部攴分也周書曰乃惟孺子攴亦讀與彬
 同是班攴頒三字通用毛詩明命使賦傳賦布也釋
 名敷布其義謂之賦漢書趙充國傳田事出賦人二
 十晦又陳湯傳賦子城郭諸國顏師古注並云賦謂
 班與之也毛詩鋪敦淮墳
 韓詩作敷敦鋪敦義相近

蓋戴燾蒙冒覆也

釋名載戴也在其上也又云戴載也戴之於頭也是
 戴為在上之稱故釋為覆孝經援神契日抱戴注亦
 云在上曰戴說文燾溥覆照
 也从火壽聲經典通為幬

鍾崇府最積灌聚樸叢也

舊注詩灌木
 械樸皆叢義

昭元年左傳崇卒也杜注崇聚也大戴禮千乘篇修
 其灌廟呂氏春秋問其叢社大祠灌廟即叢社也墨

子明鬼篇必擇木之修茂者立為敢位敢當是蕞字
即叢社也詩械樸正義曰爾雅釋木云樸枹者孫炎
云樸屬叢生謂之枹

閱搜履庀具也

眾經音義廿四引小爾雅云閱具也具數於門中白
閱也按末句疑是李軌注語說文閱具數於門中也
搜字亦通蒐成十六年左傳蒐櫟補卒杜注蒐閱也
公羊桓六年何氏說比年簡徒謂之蒐三年簡車謂
之大閱五年大簡車徒謂之大蒐是蒐閱皆有閱數
義也禮記祭義禮者履此者也必備具而後成禮故
履亦訓具

攻為語相旬宰營匠治也

舊注語句未詳餘皆常義

說文語會合善言也从言昏聲傳曰告之語言爾雅
釋詁語言也舍人注語政之善言也廣雅釋詁語調
也言會合言政言調皆與治義通般庚乃語民之弗
率語亦當訓治廣雅釋詁旬治也王給事念孫疏證

蠲祓禋屑潔也

云大雅其下侯旬毛傳旬均也字通作洵爾雅洵均也郭云謂調均也是治之義周禮均人凡均力政以歲上下豐年則公旬用三日焉鄭注旬均也讀如營營原焉無年則公旬用一日焉鄭注旬均也讀如營營原隰之營易坤為均今書亦有作旬者旬均聲義並同

勿蔑微曼末沒無也

書禋于六宗馬融云禋精意以享也精潔義同屑說文作屑从尸肖聲毛詩不我屑以傳屑潔也潔依說文當作絜廣韻十六屑潔清也經典用絜玉篇部潔字注云俗絜字是从水从欠之字皆俗體矣

毛詩喪亂蔑資傳易剝牀以足蔑貞凶馬融虞翻注並云蔑無也論語亡之命矣夫漢書宣元六王傳作蔑之命矣夫顏注引論語作蔑云蔑無也言命之所遭無有善惡則論語作亡亦當讀無字也曼俗通作漫

隆巢岸峻高也

爾雅釋樂大笙謂之巢孫炎注巢高大也成十六年左傳楚子登巢車音義巢說文作輶兵車高如巢以望敵也毛詩誕先登于岸傳岸高位也說文岸水厓而高者說文無峻字毛詩駿命不易駿極于天傳並云駿大也高大義相近禮記引詩並作峻隸書之俗也文選江賦注引小雅曰峻高也

逼尼附切局鄰傳戚近也

逼通作偏漢書賈誼傳顏注偏古逼字說文無逼偏字釋元應眾經音義十三畱塞注引方言畱滿也今本方言作腹滿曰偏丁度集韻云偏或作畱是當以畱為正字也左傳莊公廿二年晉桓莊之族偏謂強盛逼近君也葆琛先生云僖公廿四年呂卻畏偏亦畏文公之強盛偏近在國也文公七年諸大夫皆患穆嬴且畏偏以秦送公子雍多與徒衛故畏其偏若呂卻之畏文公非如杜注所云畏國人以大義偏已也說文尼從後近之揚雄甘泉賦靈迟迟兮廣韻十二霽迟近也說文無迟字作尼為正尼又通塗泥之

泥釋名云泥邇也邇近也以水沃土使相黏近也爾雅水潦所止泥邱音義泥字作尼附依說文當從土作坳亦可通傳班固漢書附並作傳毛詩戚戚兄弟傳戚戚內相親也親近義同書未可以戚我先王某氏傳戚近也

劭媚旨伐美也

劭舊本作邵邵从邑是邑名文選頭陀寺碑身逾遠而名劭注引小雅曰劭美也劭从力今據改說文劭勉也字亦通邵說文邵高也从下法言修身篇公儀子董仲舒之才之邵也注云邵高也高美義相近太史公書明其等曰伐莊十八年左傳且旌君伐注伐功也功美義相成

賢哀繁優饒夥多也

說文賢多才也儀禮鄉射禮釋獲者遂進取賢獲注賢獲勝黨之算也又云若右勝則曰右賢於左若左勝則曰左賢於右注賢猶勝也此並据算純之多少言說文無哀字爾雅釋詁哀多也音義哀古字作褒

本或作掣則褒是正字易哀多益寡唐開成石經哀
作褒集解侯果曰哀聚也音義哀鄭荀董蜀才作掣
云取也字書作掣廣雅云掣減按說文十二篇下掣
引取也从手孚聲抱掣或从包又云掣把也今鹽官
入水取鹽爲掣从手音聲則掣亦有取義凡經典哀
字皆當作褒詩原隰哀矣藝文類聚廿一引作褒王
篇說文繫傳引作掣毛傳亦云哀聚也聚與取義相
成聚則多矣故此云多也說文八篇下褒衣博裾从
衣係省聲係古文保說文三篇下采古文孚从禾禾
古文保又八篇上云保養也从人从采省采古文孚
重文禾古文保又重文保古文保不省按褒字下之
係字當是重文从手旁作採當作採古文褒字小篆
省作掣遂更見於手部傳說文者既誤以採从人爲
古文保故於保字下既重禾字以爲古文保字矣又
重一係字云古文保不省以成褒下之誤遂致學者
不識採字爲褒字之古文則知鄭荀易作採者爲古
文字耳方言凡物盛多謂之寇齊宋之
郊楚魏之際曰夥說文廣雅並作夥

幾蔡模臬汰也

舊注蔡取著
龜義亦汰也

廣韻幾近也近則可泐書一曰二曰萬幾幾字馬鄭無注應取泐義漢書王嘉傳作一日二曰萬機機與幾通周禮大司徒六曰去幾注幾謂呵禁亦取泐禁義禹貢二百里蔡馬融注蔡泐也受王刑法而已昭元年左傳周公殺管叔而蔡蔡叔杜注蔡放也音義上蔡音素葛反說文作蔡音同字从殺下米下蔡如字是蔡又音殺放流亦刑法之一也論語臧文仲居蔡鄭康成包咸並云蔡國君之守龜出蔡地因以爲名焉是著蔡之蔡因地得名不取法義也舊注非爾

爰換變貿交更易也

僖十五年左傳晉於是乎作爰田服虔曰爰易也毛詩抱布貿絲

生造奏詣進也

說文生進也象草木生出土上故廣雅云生出也王制升於司徒者不征於鄉升於學者不征於司徒曰造士鄭注造成也書敷奏以言某氏傳奏進也又泉益奏庶鮮食傳奏謂進於民說文舉舉進也从本从

中中上進之義玉篇詣往也到也至也與進義相近

索寒揅哀鉤掠採畧取也

易揅噴索隱春秋傳悉索敝賦揅索並取義寒通作揅說文揅拔取也南楚語从手寒聲楚詞曰朝揅阼之木蘭按今本楚詞揅作拏方言揅取也楚謂之揅注揅一曰騫說文無拏揅字知揅是正字寒騫爲段藉鹽鐵論散不足篇煎魚切肝羊淹雞寒寒字同此謂於湯中取雞李善文選注謂寒與韓同以釋名韓雞解之疑末是文選七啟寒芳苓之巢龜當亦謂揅取之也哀字當作哀說詳上注掠字說文無徐銍曰唐韻或作櫟則字正作櫟說文采捋取也从木爪此作採者俗字

開徹接通達也

周書程典昃德德開開乃無患晉語夫樂以開山川之風開並訓通

固厯彌宿舊尙久也